

PRESTASI PERDAGANGAN MALAYSIA, NOVEMBER 2021

Perdagangan Malaysia terus mengekalkan prestasi menaik pada November 2021 dengan jumlah perdagangan mencatatkan pertumbuhan 34.9 peratus, mencecah RM205.5 bilion berbanding RM152.3 bilion pada November 2020. Eksport terus meningkat 32.4 peratus kepada RM112.2 bilion berbanding November 2020. Import meningkat 38.0 peratus tahun ke tahun pada November 2021, dengan nilai RM93.3 bilion. Imbangan perdagangan merekodkan lebih RM18.9 bilion, dengan peningkatan 10.5 peratus berbanding tempoh yang sama tahun lalu.

Berdasarkan bulan ke bulan, import dan jumlah perdagangan masing-masing mencatatkan pertumbuhan positif 5.9 peratus dan 1.5 peratus, manakala eksport dan lebih dagangan menguncup 1.9 peratus dan 28.1 peratus masing-masing.


A. EKSPORT

1. Prestasi Eksport


Eksport Malaysia mencatatkan RM112.2 bilion, meningkat 32.4 peratus tahun ke tahun. Peningkatan ini didorong terutamanya oleh eksport domestik serta eksport semula. Eksport domestik berjumlah RM93.7 bilion dan menyumbang 83.5 peratus kepada jumlah eksport, meningkat 34.3 peratus. Di samping itu, eksport semula berjumlah RM18.5 bilion, turut meningkat 23.9 peratus tahun ke tahun. Berbanding Oktober 2021, eksport menurun 1.9 peratus atau RM2.2 bilion. Analisis terma pelarasan musim bulan ke bulan, eksport meningkat 7.7 peratus atau RM8.1 bilion kepada RM112.4 bilion.

**Prestasi Eksport
Malaysia Kekal
Kukuh dan Terus
Mencatatkan
Momentum
Peningkatan,
Berkembang
32.4 peratus**

Carta 1: Eksport Domestik, Eksport Semula (RM bilion) dan Perubahan Tahunan (%)



Carta 2: Nilai Eksport Asal dan Nilai Eksport Pelarasan Musim, RM bilion




2. Prestasi Eksport mengikut Negara Destinasi Utama

China dan Singapura kekal sebagai negara destinasi utama pada November 2021 dengan jumlah sumbangan 29.5 peratus kepada eksport Malaysia.

Eksport ke China berjumlah RM17.1 bilion, mewakili 15.3 peratus daripada jumlah eksport, mencatatkan peningkatan 20.5 peratus atau RM2.9 bilion tahun ke tahun. Peningkatan ini didorong oleh eksport yang lebih tinggi bagi barangan optik & saintifik (+RM315.9 juta, +77.2%), barangan perkilangan berasaskan minyak kelapa sawit (+RM291.0 juta, +92.3%), barangan kertas & palpa (+RM149.2 juta, +89.6%) dan barangan makanan diproses (+RM128.6 juta, +52.5%).

Eksport ke Singapura pada November 2021 berjumlah RM16.0 bilion dan menyumbang 14.3 peratus kepada jumlah eksport Malaysia, meningkat 19.7 peratus atau RM2.6 bilion tahun ke tahun. Pertumbuhan ini didorong oleh eksport yang lebih tinggi bagi keluaran petroleum (+RM919.9 juta, +65.2%), jentera, peralatan & kelengkapan (+RM490.2 juta, +66.9%) dan barangan elektrik & elektronik (+RM440.8 juta, +6.1%).


Carta 3: Pembahagian Peratusan Eksport mengikut Negara Utama, November 2020 dan November 2021



3. Eksport ke Negara-negara ASEAN

Negara-negara ASEAN menyumbang 29.3 peratus kepada jumlah eksport Malaysia pada November 2021, meningkat 39.4 peratus daripada RM23.6 bilion pada November 2020 kepada RM32.9 bilion. Peningkatan ini disumbangkan terutamanya oleh keluaran petroleum yang meningkat 129.6 peratus atau RM3.1 bilion serta barangan elektrik & elektronik yang berkembang 22.0 peratus atau RM2.1 bilion.

Carta 4: Pembahagian Peratusan Eksport, November 2021




4. Prestasi Eksport mengikut Sektor Ekonomi

Eksport barangan perkilangan pada November 2021, merangkumi 85.0 peratus daripada jumlah eksport, berkembang 28.2 peratus atau RM21.0 bilion tahun ke tahun kepada RM95.4 bilion. Penyumbang utama kepada pertumbuhan adalah barangan elektrik & elektronik (+RM5.9 bilion, +17.4%), diikuti keluaran petroleum (+RM5.1 bilion, +111.6%), barangan perkilangan logam (+RM2.5 bilion, +75.9%) dan kimia & bahan kimia (+RM2.0 bilion, +45.9%).

Eksport keluaran pertanian, menyumbang 8.9 peratus kepada jumlah eksport, meningkat 76.8 peratus daripada RM5.6 bilion pada November 2020 kepada RM10.0 bilion. Peningkatan ini sejajar dengan eksport minyak kelapa sawit & keluaran pertanian berasaskan minyak kelapa sawit yang meningkat 97.4 peratus daripada RM4.0 bilion kepada RM7.9 bilion.

Sementara itu, eksport hasil perlombongan yang mewakili 5.7 peratus daripada jumlah eksport mencatat pertumbuhan positif 45.2 peratus daripada RM4.4 bilion pada November 2020 kepada RM6.3 bilion. Pertumbuhan ini disokong oleh eksport yang tinggi bagi gas asli cecair (+RM1.9 bilion, +99.5%).

Paparan 1: Eksport mengikut Sektor, November 2020 dan November 2021



5. Eksport mengikut Produk Utama Terpilih

Peningkatan eksport pada November 2021 disumbangkan oleh pertumbuhan positif produk berikut:

- Barangan elektrik & elektronik (35.7% daripada jumlah eksport), berkembang 17.4 peratus (+RM5.9 bilion) kepada RM40.0 bilion;
- Keluaran petroleum bertapis, menyumbang 8.1 peratus kepada jumlah eksport, melonjak RM5.3 bilion atau 140.9 peratus kepada RM9.0 bilion seiring kenaikan kedua-dua nilai purata seunit (+90.1%) dan volum eksport (+26.7%);
- Minyak kelapa sawit & hasil keluaran berasaskan minyak kelapa sawit (9.9% daripada jumlah eksport) meningkat RM5.2 bilion (+89.7%) kepada RM11.1 bilion. Eksport minyak kelapa sawit, komoditi utama dalam kumpulan produk ini meningkat RM2.9 bilion atau 81.6 peratus seiring kenaikan kedua-dua nilai purata seunit (+36.4%) dan volum eksport (+33.1%);
- Gas asli cecair, mencakupi 3.4 peratus daripada jumlah eksport, meningkat RM1.9 bilion atau 99.5 peratus selaras dengan pertumbuhan kedua-dua nilai purata seunit (+76.6%) dan volum eksport (+13.0%);
- Kayu & hasil keluaran kayu yang meliputi 2.1 peratus daripada jumlah eksport meningkat 17.9 peratus atau RM356.2 juta kepada RM2.3 bilion; dan
- Getah asli (0.4% daripada jumlah eksport) meningkat 29.5 peratus atau RM99.1 juta seperti yang ditunjukkan dalam pertumbuhan nilai purata seunit (+20.1%) dan volum eksport (+7.8%).

Walau bagaimanapun, eksport petroleum mentah, yang meliputi 1.2 peratus daripada jumlah eksport, jatuh RM209.3 juta atau 13.4 peratus kepada RM1.4 bilion selari dengan penurunan volum eksport (-56.4%). Walau bagaimanapun, nilai purata seunit meningkat (+98.8%).

Paparan 2: Eksport mengikut Produk Utama Terpilih, November 2020 dan November 2021

Sumbangan	35.7%	9.9%	8.1%	3.4%	1.2%	2.1%	0.4%
	Barangan Elektrik & Elektronik	Minyak Kelapa Sawit & Hasil Keluaran Berasaskan Minyak Kelapa Sawit	Keluaran Petroleum Bertapis	Gas Asli Cecair	Petroleum Mentah	Kayu dan Hasil Keluaran Kayu	Getah Asli
	RM bilion	RM bilion	RM bilion	RM bilion	RM bilion	RM bilion	RM bilion
November 2021	40.0	11.1	9.0	3.8	1.4	2.3	0.4
November 2020	34.1	5.8	3.8	1.9	1.6	2.0	0.3
	y-o-y (%)	y-o-y (%)	y-o-y (%)	y-o-y (%)	y-o-y (%)	y-o-y (%)	y-o-y (%)
November 2021	+17.4	+89.7	+140.9	+99.5	-13.4	+17.9	+29.5
November 2020	+23.6	+8.1	-29.1	-41.6	-28.7	-1.0	+23.2

B. IMPORT


1. Prestasi Import

Import Malaysia pada November 2021 berjumlah RM93.3 bilion, mencatatkan pertumbuhan ketara 38.0 peratus atau RM25.7 bilion. Berdasarkan bulan ke bulan, import meningkat 5.9 peratus atau RM5.2 bilion. Berdasarkan terma pelarasan musim, import meningkat 7.0 peratus kepada RM90.4 bilion.


Import melonjak 38.0 peratus kepada RM93.3 bilion pada November 2021

Perbandingan tahun ke tahun, menunjukkan import mengikut penggunaan akhir mencatatkan peningkatan dengan kenaikan barangan perantara, barangan modal dan barangan penggunaan.

Carta 5: Import, Nilai (RM bilion) dan Perubahan Tahunan (%)



Carta 6: Nilai Import Asal dan Nilai Import Pelarasan Musim, RM bilion




2. Prestasi Import mengikut Negara Asal Utama

Dua negara asal utama bagi import Malaysia pada November 2021, menyumbang 32.3 peratus kepada jumlah import adalah China dan Singapura.

Import dari China yang mewakili 22.3 peratus daripada import Malaysia, berkembang 31.2 peratus atau RM4.9 bilion kepada RM20.8 bilion. Ini disumbangkan terutamanya oleh pertumbuhan ketara import barangan elektrik & elektronik, meningkat 44.7 peratus atau RM2.7 bilion, kimia & bahan kimia (+RM895.2 juta, +70.2%), jentera, kelengkapan & peralatan (+RM407.2 juta, +23.0%) dan barangan perkilangan logam (+RM337.6 juta, +34.9%).

Import dari Singapura bernilai RM9.3 bilion, menyumbang 10.0 peratus daripada import Malaysia, meningkat 50.2 peratus atau RM3.1 bilion tahun ke tahun. Pertumbuhan ini disebabkan oleh kenaikan import bagi keluaran petroleum (+RM1.9 bilion, +173.8%), barangan elektrik & elektronik (+RM600.4 juta, +29.9%) dan kimia & bahan kimia (+RM284.9 juta, +49.2%).

Carta 7: Pembahagian Peratusan Import mengikut Negara Asal Utama, November 2020 dan November 2021




3. Import dari Negara-negara ASEAN

Import dari ASEAN pada November 2021 berjumlah RM23.7 bilion dengan sumbangan 25.4 peratus kepada jumlah import, meningkat 54.8 peratus berbanding November 2020. Pertumbuhan ini disumbangkan terutamanya oleh kenaikan import yang tinggi bagi keluaran petroleum (+RM2.4 bilion, +167.9%), barangan elektrik & elektronik (+RM1.6 bilion, +39.4%) kimia & bahan kimia (+RM612.7 juta, +52.0%), minyak kelapa sawit & keluaran pertanian berasaskan minyak kelapa sawit (+RM472.6 juta, +88.5%) dan petroleum mentah (+RM380.0 juta, +759.2%).

Di antara negara asal utama ASEAN, 39.3 peratus import Malaysia adalah dari Singapura, berkembang 50.2 peratus atau RM3.1 bilion berbanding tahun sebelumnya.

Carta 8: Pembahagian Sumbangan Import, November 2021



4. Prestasi Import mengikut Sektor Ekonomi


Pengembangan import disebabkan oleh import yang lebih tinggi bagi semua sektor utama pada November 2021.

Barangan perkilangan yang merupakan 86.8 peratus daripada jumlah import, meningkat 38.4 peratus daripada RM58.5 bilion kepada RM81.0 bilion tahun ke tahun. Ini disokong oleh import yang tinggi bagi barangan elektrik & elektronik (+RM8.5 bilion, +39.0%), keluaran petroleum (+RM5.2 bilion, +113.5%), kimia & bahan kimia (+RM2.6 bilion, +41.0%) dan jentera, kelengkapan & peralatan (+RM1.2 bilion, +23.3%).

Import keluaran pertanian (5.6% daripada jumlah import) berkembang 26.7 peratus atau RM1.1 bilion tahun ke tahun kepada RM5.3 bilion, disokong oleh import yang tinggi bagi minyak kelapa sawit & keluaran pertanian berasaskan minyak kelapa sawit (+RM444.8 juta, +76.2%).

Import hasil perlombongan berjumlah RM5.3 bilion, meningkat 80.0 peratus berbanding November 2020 dan menyumbang 5.7 peratus daripada jumlah import Malaysia. Peningkatan ini disokong oleh import bagi petroleum mentah (+RM807.7 juta, +131.7%) dan bijih logam & serpihan logam (+RM641.4 juta, +63.4%).

Paparan 3: Import mengikut Sektor, November 2020 dan November 2021



5. Import mengikut Klasifikasi Penggunaan Akhir & Kategori Ekonomi Umum (BEC)

Jumlah import pada November 2021 bernilai RM93.3 bilion, meningkat 38.0 peratus tahun ke tahun. Tiga kategori utama import mengikut Penggunaan Akhir yang merangkumi 77.0 peratus daripada jumlah import adalah:

Barangan perantaraan, bernilai RM54.7 bilion atau 58.6 peratus daripada jumlah import, meningkat 47.4 peratus disebabkan oleh kenaikan import alat ganti & aksesori barangan modal (kecuali peralatan pengangkutan) (+RM8.4 bilion, +73.3%), bekalan industri, diproses (+RM5.1 bilion, +32.7%), bahan api & pelincir, utama (+RM1.7 bilion, +122.1%) dan bahan api & pelincir, diproses, lain-lain (+RM1.2 bilion, +86.7%);

Barangan modal, berjumlah RM9.5 bilion (10.2% daripada jumlah import) meningkat 32.1 peratus, disebabkan oleh import barangan modal (kecuali peralatan pengangkutan) yang lebih tinggi (+RM2.2 bilion, +32.3%) dan kelengkapan pengangkutan, perindustrian (+RM94.9 juta, +27.9%); dan

Barangan penggunaan, berjumlah RM7.7 bilion (8.3% daripada jumlah import), mencatatkan kenaikan 22.8 peratus, disebabkan oleh import yang lebih tinggi bagi makanan & minuman, diproses, khusus untuk penggunaan isi rumah (+RM449.7 juta, +24.6%), barangan tahan lama (+RM403.2 juta, +45.0%) dan makanan & minuman, utama, terutamanya untuk penggunaan isi rumah (+RM192.2 juta, +21.7%).